

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), na prijedlog Ministarstva za pravosuđe i upravu, Vlada Zeničko-dobojskog kantona, na 66. sjednici, održanoj dana 07.02.2025. godine, d o n o s i

ZAKLJUČAK

I.

Prihvata se Izjašnjenje Ministarstva za pravosuđe i upravu Zeničko-dobojskog kantona, broj: 06/02-01-20646-5/24 od 22.01.2025. godine, vezano za Stav Kolegija Skupštine Zeničko-dobojskog kantona kojim predlaže Vladi Zeničko-dobojskog kantona razmatranje mogućnosti donošenja Zakona o izmjenama i dopunama Zakona o plaćama i naknadama u organima vlasti Zeničko-dobojskog kantona.

II.

Zaključak sa Izjašnjenjem iz tačke I. upućuje se Kolegiju Skupštine Zeničko-dobojskog kantona.

III.

Zaključak stupa na snagu danom donošenja.

Broj: 02-_____/25
Datum, 07.02.2025. godine
Zenica

PREMIJER

Nezir Pivić

DOSTAVLJENO:

1x Ministarstvo za pravosuđe i upravu,
1x Stručna služba Skupštine,
1x a/a.



Broj: 06/02-01-20646-5/24
Zenica, 22.01.2025. godine

**SKUPŠTINA ZENIČKO-DOBOJSKOG KANTONA
KOLEGIJ SKUPŠTINE**

PREDMET: Izjašnjenje na stav Kolegija Skupštine Zeničko-dobojskog kantona, dostavlja se

Stručna služba Vlade Zeničko-dobojskog kantona je svojim aktom broj: 02-1-01-20646-4/24 od 18.12.2024. godine Ministarstvu za pravosuđe i upravu Zeničko-dobojskog kantona dostavila Stav Kolegija Skupštine Zeničko-dobojskog kantona kojim predlaže Vladi Zeničko-dobojskog kantona razmatranje mogućnosti donošenja Zakona o izmjenama i dopunama Zakona o plaćama i naknadama u organima vlasti Zeničko-dobojskog kantona, kako bi se predvidjela mogućnost da zastupnici Skupštine svoju dužnost obavljaju profesionalno.

U vezi sa navedenim Stavom Kolegija, Ministarstvo za pravosuđe i upravu Zeničko-dobojskog kantona, a uvažavajući činjenicu da je Skupština Zeničko-dobojskog kantona, shodno svojim ustavnim nadležnostima, najviše zakonodavno tijelo kantona, u čijoj nadležnosti je između ostaloga i donošenje zakona kojim se reguliše pitanje plaća i naknada koje se finansiraju iz budžeta Zeničko-dobojskog kantona, pa samim tim i Zakona o plaćama i naknadama u organima vlasti Zeničko-dobojskog kantona, je dužno provoditi sve inicijative i zaključke koje donese Skupština Zeničko-dobojskog kantona, odnosno provoditi kantonalne politike i predlagati i izvršavati kantonalne zakone i druge propise.

Također, ovim putem vas napominjemo da je Vlada Zeničko-dobojskog kantona, putem predlagača Ministarstva za pravosuđe i upravu, u 2018. godini utvrdila prijedlog predmetnog zakona u kojem je predviđeno profesionalno obavljanje funkcija što uključuje između ostaloga i naknade plaće nakon obavljanja funkcije zastupnika u Skupštini Zeničko-dobojskog kantona, na način kako je to utvrđeno Zakonom o plaćama i naknadama u organima vlasti Federacije Bosne i Hercegovine i zakonima koji uređuju ovu oblast u pojedinim kantonima, što je Skupština Zeničko-dobojskog kantona putem podnesenih odnosno usvojenih amandmana izmijenila u odnosu na predloženi tekst.

Ono što je bitno naglasiti, a ukoliko se Skupština Zeničko-dobojskog kantona odluči za usvajanje inicijative za izmjenu predmetnog Zakona na način kako to predviđa Poslovnik o radu Skupštine Zeničko-dobojskog kantona i kako je to predložio Kolegij, da je Budžet Zeničko-dobojskog kantona za 2025. godinu usvojen, te da bi ostvarenje ovakvih prava iziskivalo dodatna budžetska sredstva na pozicijama Skupštine Zeničko-dobojskog kantona.

S poštovanjem,

Dostaviti:

1x Naslovu,
1x a/a.

MINISTAR

Nebojša Nikolić